

MAYERVM & B. MVSAEVM in peculiaribus Dissertt. de peccato in spiritum s. quibus adde B. MICHAELIS FOERTSCHII, Considerationem Historico - Theologicam τῆ ἀσυγχωρήτου in peccato aduersus spiritum s. Mihi iam constitutum est, ea saltem hic persequi, quae ad accuratam exegetin loci nostri paullini immediate pertinent, & quae sufficienter ex eo possunt probari. In hac prima sectione cuiuscumque vocis ac phrasis sensum distincte explanabo; in altera peccati in spiritum s. indolem paulo accuratius delineabo, & sensum compositum totius dicti declarabo.

§. II.

Sunt autem verba Apostoli Ebr. VI. 4. 5. 6. huius tenoris: v. 4. ἀδύνατον γὰρ τὸς ἀπαξ φωτισθέντας, γευσάμενους τε τῆς δωρεᾶς τῆς ἐπιβραβείας, καὶ μετόχους γεννηθέντας πνεύματος ἁγίου, v. 5. καὶ καλὸν γευσάμενους θεῶ ῥῆμα, δυνάμεις τε μέλλοντος αἰῶνος, v. 6. καὶ παραπεσόντας, πάλιν ἀνακαινίζεν εἰς μετάνοιαν, ἀνασταυρῶντας ἑαυτοῖς τὸν υἱὸν τῆ θεῶ καὶ παραδειγματίζοντας. v. 4. Impossibile enim est eos, qui semel illuminati fuerunt, et gustauerunt donum caeleste, et participes facti sunt spiritus s. v. 5. et qui bonum gustarunt dei verbum, virtutesque futurae aeternitatis, v. 6. iterum renouare ad poenitentiam, crucifigentes sibi ipsis filium illum dei, et publicae ignominiae exemplum facientes.

§. III.

Haec Apostoli verba vt distincte intelligamus, ante omnia monstrandus est eorum cum praecedentibus nexus, indicatur is per coniunctionem causalem γὰρ, quae formaliter ac communiter notat enim, et declarat, quod praecedentium quaedam proferatur ratio. Haec huius particulae vis formalis secundum bonae interpretationis regulas hic negligenda haud est, cum

A 2

nulla